

ESTATUTOS DO CLUBE MARIÑO SALNÉS

(modificación íntegra)

CAPÍTULO I

Artigo 1°.

O Clube Mariño Salnés é unha asociación privada con personalidade xurídica e capacidade de obrar, integrada por persoas físicas ou xurídicas, con personalidade xurídica propia e capacidade de obrar, con domicilio na Comunidade Autónoma de Galicia, que ten como obxecto primordial o fomento e o impulso da práctica continuada dunha ou varias modalidades deportivas, así como a participación en actividades e competicións deportivas calquera que sexa o seu nivel e destinatario.

Artigo 2°.

O Clube Mariño Salnés practicará como principal modalidade deportiva a de Vela Tradicional, e solicitará a ratificación dos Estatutos e a inscrición no Rexistro de Entidades Deportivas de Galicia, de conformidade coa Lei do Deporte de Galicia.

O Clube Mariño Salnés practicará así mesmo outras modalidades deportivas vinculadas aos deportes náuticos en embarcacións tradicionais, e para tal fin funcionarán as seccións deportivas correspondentes, sen prexuízo de que a Asemblea Xeral poida acordar a creación doutras.

Artigo 3°.

O domicilio Social do Clube Mariño Salnés fíxase na rúa Olmos, nº 5, 1° D, C.P. 36630 poboación San Tomé, concello de Cambados, provincia de Pontevedra, teléfono 659645064, E-Mail cmarinhosalnes@gmail.com.

A/O Presidente/a cando as circunstancias o aconsellen, poderá acorda-lo cambio do domicilio social dentro da mesma localidade. Para o traslado do



domicilio a outra localidade, que deberá ser sempre dentro do territorio da Comunidade Autónoma de Galicia, será necesario o acordo maioritario da Asemblea Xeral Extraordinaria. En ámbolos casos, o traslado de domicilio social non implicará modificación estatutaria, e terá de ser notificado ós socios, e ó Rexistro de Entidades Deportivas de Galicia.

CAPITULO II

CLASES DE SOCIAS/OS, ADMISIÓN, DEREITOS E OBRIGACIÓNS

Artigo 4°.

O número de socias/os será ilimitado. A Asemblea Xeral poderá suspender, non obstante, a admisión de novos/as socios/as cando así o esixan razóns de aforo ou capacidade física das instalacións.

Os/As socios/as poderán ser das seguintes clases: de número, honorarios, aspirantes e familiares.

Artigo 5°.

1.- Son socias/os de número tódalas persoas maiores de idade, que satisfagan a cota social establecida pola Asemblea Xeral.

2.- Os menores de 18 anos, clasificaranse como socias/os aspirantes, tendo dereito ó uso das instalacións sociais mediante a cota que se fixe e pasarán automaticamente a ser socios/as de número ó cumpriren a maioría de idade.

3.- Serán socios/as honorarios aquelas persoas ás que a Asemblea Xeral confira esta distinción e terán un posto de preferencia nos actos oficiais da sociedade.

4.- Son socias/os familiares todas aquelas persoas que dependan economicamente dun/dunha socio/a de número e convivan con el/ela no mesmo domicilio.

Artigo 6°

1.- As/Os socias/os de número terán os seguintes dereitos:

a) Contribuír ó cumprimento dos fins específicos da asociación.



b) Esixir que a Asociación se axuste ó disposto na normativa autonómica deportiva e ó establecido no presente Estatuto.

c) Separarse libremente da Asociación.

d) Coñecer as actividades da Asociación e examinala súa documentación, previa petición razoada ó/á Presidente/a.

e) Expór libremente as súas opinións no seo da Asociación.

f) Ser elector/a i elixible para os órganos de representación e goberno da Asociación, sempre que teña plena capacidade de obrar.

2.- Son obrigacións dos socios/as de número:

a) Aboalas cotas que esixa a Asemblea Xeral.

b) Contribuír ó sostemento e difusión do deporte ou modalidades Deportivas.

c) Acatar cantas disposicións dicte a Asemblea Xeral, a Xunta Directiva ou Presidenta/e, para o bo goberno da sociedade.

3.- Os/As socios/as aspirantes terán dereito a aproveitarse dos servicios e instalacións sociais da Asociación.

4.- Os/As familiares dos socios/as de número terán dereito a aproveitarse daqueles servicios e instalacións que se determinen, previo pago da cota fixada.

Artigo 7º.

Para ser admitido como socio/a, en calquera das súas modalidades, será necesario:

Tela idade sinalada para cada unha delas.

Solicitude oral ou por escrito dirixida a/o Presidenta/e.



- Satisfacela cota de ingreso correspondente.

Artigo 8°.

A condición de socio/a pérdese:

- Por vontade propia.
- Por falta de pago das cotas sociais durante dous anos consecutivos, previo requirimento de pago, e consecuente Resolución do/da Presidente/a.
- Por acordo do/da presidente/a no seu caso, fundado en faltas de carácter grave, previa audiencia do interesado, que haberá de ser ratificado na primeira asemblea xeral que se celebre.
- Por calquera outra causa establecida na lexislación vixente.

CAPITULO III

ÓRGANOS DE REPRESENTACIÓN E GOBERNO

Artigo 9°

Son Órganos de representación e goberno do Clube a Asemblea Xeral e a/o Presidenta/e.

Artigo 10°

O/A Presidente/a é o órgano executivo do Clube, posúe a representación legal, convoca e preside os órganos de representación e goberno executando os acordos destes coa facultade de delegar.

O cargo de Presidente/a é a título gratuito e carente de interese nos resultados económicos da explotación, por si mesmo ou a través de persoa interposta.



Será elixido mediante sufraxio libre, directo, igual e secreto por e entre os membros da Asemblea Xeral, cada 4 anos.

Artigo 11°

O/A Presidente/a cesará por:

- a) Transcorrelo prazo polo que foi elixido.
- b) Dimisión.
- c) Falecemento ou incapacidade física ou psíquica para continuar no exercicio do seu cargo.
- d) Aprobación dunha moción de censura pola Asemblea Xeral.
- e) Inhabilitación por sentenza xudicial firme ou sanción deportiva.

Artigo 12°

1.- Como órgano complementario de goberno e representación poderá haber unha xunta directiva que actuará como órgano colexiado de xestión do Clube, e exercerá as funcións que este estatuto lle confire.

2.- Os membros da Xunta Directiva serán designados e revocados mediante maioría simple decidido en asemblea xeral. Da mesma formará parte un/unha presidente/a, un/unha secretario/a e un/unha tesoureiro/a.

Tódolos cargos serán gratuítos e carecen de interese nos resultados económicos do Clube por si mesmos ou persoa interposta.

Artigo 13°

1.- A Xunta Directiva quedará validamente constituída en primeira convocatoria cando concorran a ela a maioría dos seus membros. En segunda convocatoria será suficiente a concorrencia, polo menos, de tres dos seus membros, e, en todo caso da/o Presidenta/e.



2.- A Xunta Directiva convocarase pola/o Presidenta/e con dous días de antelación como mínimo, á data de celebración. A Xunta Directiva quedará tamén validamente constituída, cando estean presentes tódolos seus membros, aínda que non houbera mediado convocatoria previa.

3.- En especial corresponde á Xunta Directiva:

a) Dirixir a xestión do Clube, velado polo cumprimento do seu obxecto social.

b) Formular o inventario, memoria e presuposto anual, que se someterá a aprobación da Asemblea.

c) Aplicar tódalas medidas deportivas, económicas e administrativas precisas para o fomento e desenvolvemento do deporte dentro do Clube.

Artigo 14°

O/A Secretario/a da Xunta Directiva coidará do arquivo da documentación, redactará cantos documentos afecten á marcha administrativa da Asociación e levará o Libro de Rexistro de socios/as e o Libro de Actas.


Artigo 15°

1.- A/O Tesoureira/o da Xunta Directiva será a/o depositaria/o da Asociación, asinará os recibos, autorizará os pagos e levará os Libros de Contabilidade.

2.- Será obriga do/a Tesoureiro/a formalizar, durante o primeiro mes de cada ano, un balance de situación e as contas de ingresos e gastos, que se porán en coñecemento de tódolos/as asociados/as.

Artigo 16°

1.- A Asemblea Xeral é o órgano supremo do goberno do Clube e estará integrada por tódolos/as seus socios/as de número.



2.- As Asembleas Xerais, tanto Ordinarias como Extraordinarias, quedarán validamente constituídas en primeira convocatoria cando concorran a ela a maioría dos seus asociados/as. En segunda e última convocatoria media hora máis tarde, quedará constituída calquera que sexa o número de membros presentes. Entre a data de convocatoria e o día sinalado para a súa celebración terán de mediar, como mínimo, dez días naturais e non poderá transcorrer máis de 20.


Artigo 17º

A Asemblea Xeral convocarase pola/o Presidenta/e a iniciativa propia ou doutra/o socia/o apoiado polo vintecinco por cento, ó menos, dos socios de número.

1.- A Asemblea Xeral reunirase con carácter ordinario, previa convocatoria da/o Presidenta/e, ó menos unha vez ó ano para tratar das seguintes cuestións:

- a) Memoria, liquidación do presuposto, balance do exercicio, rendición de contas e aprobación se procede.
- b) Presuposto para o seguinte exercicio.
- c) Proxecto e propostas da/o Presidenta/e ou da Xunta Directiva.
- d) Propositions que formulen os/as socios/as e que terán de ir asinadas ó menos, polo cinco por cento dos mesmos.

2.- Terá de se celebrar Asemblea Xeral extraordinaria para a modificación de Estatutos, elección do/a Presidente/a, toma de cartos a préstamo, emisión de títulos representativos de débeda ou de parte alicuota patrimonial, enaxenación de bens inmoables e fixación de cotas dos socios, e calquera outro acordo previsto nestes estatutos ou que se estime oportuno polo/a Presidente/a ou proceda legalmente.



Artigo 18°

Os acordos da Asemblea Xeral adoptaranse por maioría simple dos presentes, requeriéndose unha maioría cualificada e un quorum determinado de asistencia para aqueles asuntos que establezan os estatutos. Serán vinculantes e de obrigado cumprimento e terán forza executiva a partir da data da súa adopción, sen prexuízo, por razón da materia, da posibilidade da súa impugnación perante os órganos competentes e da Federación Galega Deportiva da modalidade ou perante o Comité Galego de Xustiza Deportiva.

CAPITULO IV

RÉXIME DOCUMENTAL

Artigo 19°


O réxime documental do Club, constará dos seguintes libros: Rexistro de Socios/as, de Actas e Contables.

Artigo 20°

No libro de Rexistro de Socios/as, terán de constalos nomes e apelidos dos socios/as de número, o seu Documento Nacional de Identidade e, no seu caso, os cargos de representación, goberno e administración que exerzan no Clube. Tamén hanse especificalas datas de altas e baixas, e as de toma de posesión e cese nos cargos aludidos.

Artigo 21°

No libro de Actas, consignaranse as reunións que celebre a Asemblea Xeral e a Xunta Directiva, con expresión da data, asistentes, asuntos tratados e acordos adoptados. As Actas terán de estar asinadas, en todo caso, polo/a Presidente/a e Secretario/a.



Artigo 22°

Nos Libros de Contabilidade figurarán tanto o patrimonio como os dereitos e obrigacións, e ingresos e gastos do Clube, debéndose precisala procedencia daqueles e a inversión ou destino destes.

RÉXIME DISCIPLINARIO

Artigo 23°

Os órganos e socias/os do Clube estarán sometidas/os ó regulamento disciplinario do Clube e ó disposto no Título VII da Lei 3/2012, do Deporte de Galicia, e a súa normativa de desenvolvemento.

Artigo 24°

Así mesmo a/o Presidenta/e e os membros da Xunta Directiva responderán fronte as/os socias/os, o Clube ou terceiros/as dos prexuízos que ocasionaren por culpa ou negligencia grave, de conformidade coa regulamentación propia do Club e o Ordenamento Xurídico vixente.

CAPITULO V

RÉXIME ECONÓMICO-FINANCEIRO E PATRIMONIAL

Artigo 25°

1.- No momento da modificiación dos Estatutos do Clube Mariño Salnés, o patrimonio é de dúas embarcacións tradicionais (dorna de tope e dorna polbeira) e un remolque, e non dispón de instalacións e locais propios, tendo en cesión o local Departamento de Usuarios, nº 57, no Porto de Tragobe.

2.- No futuro o patrimonio do Club estará integrado por:



- a) As aportacións económicas dos socios/as, que aprobe a Asemblea Xeral.
- b) As doazóns e subvencións que reciba.
- c) Os resultados económicos que pode producir as manifestacións físico-deportivas que organice a entidade.
- d) As rendas, froitos e intereses do seu patrimonio.

Queda expresamente excluído como fin do Clube o ánimo de lucro e a totalidade de seus ingresos e beneficios aplicaranse ó cumprimento dos seus fins sociais.

Artigo 26°

O Clube poderá gravar e allear bens, mobles e inmobles, tomar diñeiro a préstamo e emitir títulos transmisibles representativos de débeda ou parte alícuota patrimonial, sempre que cumpra os seguintes requisitos:

- 1.- Que se autoricen tales operacións por maioría de dous terzos dos socios/as presentes ou representados na Asemblea Xeral Extraordinaria.
- 2.- Que ditos actos non comprometan de modo irreversible o patrimonio da Entidade ou a actividade físico-deportiva que constitúa o seu obxecto social. Para a adecuada xustificación deste extremo se poderá esixir, sempre que o soliciten como mínimo o cinco por cento dos socios/as de número, o oportuno ditame económico actuarial.
- 3.- Cando se trate de gravar ou allear bens, mobles e inmobles que foran financiados en todo ou parte, con Fondos Públicos da Comunidade Autónoma será preceptiva a autorización previa do órgano competente da Xunta de Galicia.

Artigo 27°

O Clube poderá emitir títulos de débeda ou de parte alícuota patrimonial, que serán nominativos. Os títulos inscribíranse nun libro que levará ó efecto o Clube, no que se anotarán as sucesivas transferencias. En tódolos títulos constará o valor nominal, a data de emisión, e, no seu



caso, o interese e prazo de amortización.

Artigo 28°

Os títulos de débeda só se poderán subscribir polos/las asociados/as, e a súa posesión non conferirá dereito algún especial ós/ás socios/as, agás a percepción dos intereses establecidos conforme á lexislación vixente.

Artigo 29°

Os títulos de parte alícuota patrimonial han ser asemade, subscritos polos/as asociados/as. En ningún caso estes títulos darán dereito á percepción de dividendos ou beneficios.

Artigo 30°

Os títulos de débeda e parte alícuota patrimonial serán transferidos unicamente entre os/as que teñan a condición de socios/as.


CAPITULO VI

REFORMA DOS ESTATUTOS E DISOLUCIÓN DO CLUBE

Artigo 31°

Os presentes Estatutos só se poderán modificar, reformar ou derogar, por acordo da Asemblea Xeral Extraordinaria convocada a tal efecto, mediante votación favorable dos dous tercios dos socios de número asistentes.

A reforma destes estatutos seguirá, con respecto ó Rexistro Entidades Deportivas de Galicia, os mesmos trámites administrativos que para a súa inscrición.



Artigo 32°

O Clube extinguirase ou disolverase por acordo de:

- a) Dos dous tercios dos socios e socias en Asamblea Xeral Extraordinaria, convocada ao efecto
- b) Por sentenza xudicial
- c) Por outras causas legalmente determinadas

En todo caso haberá de ser notificado ao Rexistro de Entidades Deportivas.

Artigo 33°

Disolto o Clube, o remanente do seu patrimonio social, se houbera, aplicarase a fins análogos de carácter deportivo ben por acordo previo da Asamblea Xeral ou subsidiariamente polo órgano competente en materia de deporte da Xunta de Galicia.

